

續名醫類案卷二十三

錢唐魏之琇編集

海昌王士雄孟英
定州楊照藜素園

同校

經水

徐靈胎曰婦人之疾與男子無異惟經期胎產之疾不同且

多癥瘕之疾其所以多癥瘕之故亦以經帶胎產之血易

於凝滯故較之男子為多故古人名婦科謂之帶下醫以

其病總屬於帶下也凡治婦人必先明衝任之脈衝脈起

於氣街在毛際並少陰之經挾臍上行至胸中而散任脈



北京中醫藥大學圖書館版權所

續名醫類案卷二十三

錢唐魏之琇編集

海昌王士雄孟英
定州楊照藜素園

同校

經水

徐靈胎曰婦人之疾與男子無異惟經期胎產之疾不同且

多癥瘕之疾其所以多癥瘕之故亦以經帶胎產之血易

於凝滯故較之男子為多故古人名婦科謂之帶下醫以

其病總屬於帶下也凡治婦人必先明衝任之脈衝脈起

於氣街在毛際並少陰之經挾臍上行至胸中而散任脈



北京中醫藥大學圖書館版權所有

起於中極之下

四寸旁

以上毛際循腹裏上關元又云衝任

皆起於胞中上循背裏爲經脈之海此皆血之所從生而

胎之所由繫也明於衝任之故則本原洞悉而後其所生

之病千條萬緒可以知其所從起更參合古人所用之方

而神明變化之則每症必有傳受不概治以男子泛用之

藥自能所治輒效矣至如世俗相傳之說如產前宜涼產

後宜溫等論夫胎前宜涼理或有之若產後宜溫則脫血

之後陰氣大傷孤陽獨熾又瘀血未淨結爲蘊熱乃反用

薑桂等藥我見時醫以此殺人無數觀仲景於產後之疾

以石膏白薇竹茹等藥治之無不神效或云產後瘀血得

寒則凝。得熱則行。此大謬也。凡瘀血結凝。因熱而凝者。得寒降而解。因寒而凝者。得熱降而解。如桃仁承氣湯。非寒散而何。未聞此湯能凝血也。蓋產後瘀血。熱結爲多。熱凝成塊。更益以熱。則煉成乾血。永無解散之日。其重者。陰凝而即死。輕者。或堅痞。褥勞等疾。惟實見其真。屬寒氣所結之瘀。則宜用溫散。故凡治病之法。不本於古聖。而反宗後人之邪說。皆足以害人。諸科皆然。不獨婦科也。

裴兆期治一婦。頭眩耳鳴。肉瞤筋惕。恍惚不得寐。乍作乍止。半載矣。後乃阻經四月。小腹如懷孕狀。醫疑其妊而安之。忽一日下紫黑血少許。始知爲經閉。改用通經藥數劑。腹

不減反增惡心嘔噦粥飲下咽旋即越出咽喉焦痛舌黑
無津醫不知何故裴診之六脈弦細而滑兩關尤甚目此
頑痰閉滯血海壅瘀月事乃阻耳其脈細而滑者痰脈也
頭眩耳鳴恍惚者痰證也嘔吐不食者痰客中焦也舌黑
無津咽喉焦痛者痰生熱也經謂治病必求其本今病本
於痰必以治痰爲首務遂投滾痰丸八十粒不動再投七
十粒小腹微痛次日又服如數小腹痛不可忍將夜半下
如猪肝者四五塊每塊幾盈尺更下如破絮脂膜者無數
又累累若石榴子紅白攢綴連絡而下者不啻二三斗小
腹頓平痛亦如失最異者吐痰碗許俱如綠草汁色口角

流涎不斷如琴弦之堅。丹溪謂怔病是痰。十居八九。良然。
時胸次未平。飲食少進。用橘紅茯苓各一錢。枳實黃連半。
夏麵各八分。水煎入薑汁二匙。竹瀝半酒杯。二劑後以六。
君子湯加減。更服加味潤下丸調理百餘日而愈。踰年生。
一子。

沈堯封曰。素問云。二陽之病發心脾。有不得隱曲。女子不月。
其傳爲風消。其傳爲息責者死不治。二陽指陽明經言。不。
指臟腑言。二陽之病發心脾者。陽明爲多血之經。血乃水。
穀之精氣。藉心火煅煉而成。憂愁思慮傷心。困及其子不。
嗜飲食。血無以資。生陽明病矣。經云。前陰總宗筋之所會。

會於氣衝而陽明爲之長。故陽明病則陽事衰而不得隱
曲也太衝爲血海並陽明之經而行。故陽明病則衝脈衰
而女子不月也。又寇宗奭曰童年情竇早開。積想在心
月水先閉。蓋憂愁思慮則傷心。心傷則血耗竭。故經水閉
也。火既受病。不能榮養其子。故不嗜食。脾既虛則金氣虧
故發嗽。嗽既作則水氣竭。故四肢乾。木氣不充。故多怒。髮
鬢焦筋痿。五臟以次傳遍。故不卒死。然終死也。比於諸證
最爲難治。按此條亦從金匱虛字內分出。但所願不遂。相
火必熾。非補水無以制之。六味地黃丸湯補陰瀉陽。固是
妙法。然脾虛食減。尙嫌地黃膩膈。炒枯可也不然。以女貞

易之

雄按此證最難治六味礙脾歸脾助火惟薛一瓢滋營
養液膏加小麥大棗遠志庶幾合法一瓢又有心脾雙
補丸亦可酌用滋營養液膏方女貞子廣陳皮乾桑葉
大熟地旱蓮草白芍藥黑芝蔴枸杞子甘菊花當歸身
黑穠豆玉竹南燭葉白茯苓沙苑蒺藜炙甘草以上共
十六味前十四味各四兩後二味各二兩天泉水桑柴
火熬膏收入真阿膠三兩煉淨白蜜三兩磁瓶收貯每
日卯時挑服五六錢開水送下心脾雙補丸方人參元
參五味子遠志肉麥冬茯苓酸棗仁柏子仁於潛木川

貝母生甘草苦桔梗丹參生地川黃連製香附。右爲末。
用桂圓肉熬膏代蜜搗丸如彈子大。硃砂爲衣。每晨服
服一丸開水送下。

沈堯封治一婦熱多寒少。譫語夜甚。經水來三日病發而止。
本家亦知熱入血室。用小柴胡數帖。病增。舌色黃燥。上下
齒俱是乾血。沈用生地丹皮麥冬等藥。不應藥入則乾嘔。
脈象弱而不大。因思弱脈多火。胃液乾燥。所以作嘔。遂用
白虎湯加生地麥冬。二劑熱退神清。惟二十餘日不大便。
與麻仁丸三服得便而安。

一室女發熱。經來。醫用表散藥。增劇。譫語夜甚。投小柴胡不

應夜起如狂或疑蓄血投涼血消瘀藥亦不應左關脈弦
硬鼓指詢知病從怒起因用膽草黃芩山梔丹皮羚羊角
蘆薈甘草歸身等藥一劑知四劑愈。

張儀表令愛發熱經水來昏夜譫語如見鬼狀投小柴胡增
劇詢其病情云醒時下體惡寒即憤時亦嘗牽被斂衣因
語此證平素必患帶下且完姻未久隱曲之事未免過當
復值經水過多精血兩虧陰陽並竭其惡寒發熱由陰陽
相乘所致非外感邪熱深入也投發散清熱證同亡陽傷
寒論云亡陽則譫語內經云脫陽者見鬼是也用腎氣丸
早晚各二錢神氣即清隨以茯苓易桂附數劑全愈

參香八珍膏丹。參去頭尾酒洗蒸熟。四製香附各四錢。熟地
炙黃耆白芍酒炒蒸熟。白朮白歸身酒炒。茯苓各三兩。
味熬膏。每服三錢。開水調下。薛一瓢曰。此女科調理方之
首選也。氣味和平。功能相稱。虛人可以久服。

附青金丹。治婦女癥瘕。青皮四兩。用消石五錢化水浸。香附

四兩。童便浸。鬱金二兩。用生礬五錢化水浸。丹參二兩。薑

汁浸。四味研細末。醋丸麻子大。曬乾。灑上阿膠水。搖令光

澤。再用人參當歸川芎各一兩。白朮茯苓製半夏各二兩。

陳皮炙草各五錢。研極細末。以米飲泛在光澤。小丸上作

外廓。曬乾。每服三錢。開水下。此薛一瓢方。緣虛弱人患癥



瘕瘕癖有形之病。不可任施攻下。故用此爲緩消之計。其妙在以六君芎歸爲外廓。使藥入胃。將不知有攻削之味。而胃氣不傷。迨其漸化。則對症之藥。已至病所。俾病去而正不傷。誠女科要方也。

五香丸治同上。五靈脂一斤。香附一斤。水浸一日。黑牽牛白

牽牛各取頭末二兩。右四味一半微火炒熟。一半生用。共

研細末和勻。醋糊爲丸。萊菔子大。每服七八分。或一錢。臨

卧薑湯下。次早再一服。即愈。孕婦忌服。小兒減半。五靈脂

破瘀生新。香附調氣舒鬱。牽牛開結行痰。逐飲通水。合爲

消癥散癖之方。不爲不峻。然每服錢計。用治實證。尙爲善



藥即瘀積食積氣滯成瘕。蠱膈腫脹。實痢初起。審屬痞聚。在腹有形。攻痛之證。皆可治之。虛人或以六君子加歸芍。作煎劑送服亦可。

王氏云。一婦人有女年十五。請診言女年十四時經水自下。乃忽斷。其母甚恐怖。師曰。此女爲是夫人親女非也。若親女者。當相爲說之。婦人因荅言。是自女爾。師曰。所以問者。無他。夫人年十四時亦以經水下。所以女至此而斷。是爲避年勿怪。後當自下。

東垣
十書

張子和曰。一婦人年二十餘歲。病經閉不行。寒熱往來。欬嗽潮熱。庸醫禁切。無物可食。一日當暑出門。忽見賣涼粉者。



氷水和飲。大爲一食。頓覺神清骨健。數月經水自下。雄按世人

但知血寒則凝而不
知血熱則結也。

滑伯仁治龍君澤室人。暑月中病經事沈滯。寒熱自汗。欬嗽。有痰。體瘦痒。臍腹刺痛。脉弦數六至有餘。曰。此二陽病也。素問云。二陽之病發心脾。女子得之則不月。二陽陽明也。陽明爲金。爲燥化。今其所以不月者。因其所遭也。陽明本爲燥金。適遭於暑。暑火也。以火爍金。則愈燥矣。血者水類。金爲化源。宜月事沈滯不來也。他醫方制歸茸桂附丸。以溫經而未進。滑曰。夫血得寒則止。得溫則行。熱則搏搏則燥。復加燥藥。血益乾。則病必甚。亟令却之。更以當歸柴胡。

飲子爲清金瀉火流濕潤燥三五進而經事通餘病悉除
龍君曰微生幾爲人所誤也

薛立齋診一室女年十七癰久不愈天癸未通發熱咳嗽飲
食少思欲用通經丸薛曰此益因稟氣不足陰血未充故
耳但養氣血益津液其經自行彼惑於速效仍用之薛曰
非其治也此乃慄悍之劑大助陽火陰血得之則妄行脾
胃得之則愈虛後果經血妄行飲食愈少遂致不救

一婦人素有胃火或用涼胃散而安後因勞役躁渴內熱肌
肉消瘦月經不行薛謂此胃火消鑠陰血用逍遙散加丹
皮炒梔以清胃熱用八珍湯加茯苓遠志以養脾血而經



自行矣

一癰婦少寐、經水兩月餘一至、誤服通經丸、展轉無寐、午前惡寒、午後發熱、薛以爲思慮虧損脾血、用歸脾湯作丸、午前以六君送下、午後以逍遙散送下、兩月餘得寐半載、經行如期、年餘而瘡愈

龔子才治魏憲副妻、患逆經吐血不止、六脈微瀉、力此血虛火盛也、以四物去熟地、用生地共一兩、加酒蒸大黃一

錢

錢刻本作兩疑誤

同煎、入童便服之、服後血止而經通

徐憲副妾、患經閉、人皆擬有孕、七八月來漸覺黃瘦、腹中左右塊如鼓、發熱面赤、不思飲食、診之六脈微瀉、此血枯氣

鬱也以四物湯加香附丹皮白朮之類。白朮何以加入十數服。

加桃仁紅花數服。下血塊多許乃愈。

孫文垣治吳北海內人。每月經期之前。四肢纍纍發塊紅紫。

脹痛。不思飲食。胃脘亦常痛。肝火逆經水多不及期而至。

下脈之。兩手皆駛。以症叅觀。肝脾二經鬱火也。蓋肝主怒。

脾主思。多思多怒。隱而不發。鬱滯於中。故臨經纍纍發紅。

腫於四肢也。脾主四肢以青皮香附柴胡川芎烏藥白芍丹參。

元胡索鬱金酒炒黃連梔子治之而愈。青皮烏藥宜酌用

潘氏媳因經水不行。醫投安胎之劑。越七日經忽暴至。內有

血塊。筋膜如手大者一二塊。昏冒困憊。其脈右關洪滑。左